

Statuts dil Consorzi da scoletta e scola primara *scolaviva* dallas vischnauncas da Laax e Falera

Las indicaziuns da persunas, funcziuns e professiuns en quels statuts serefereschan ad omisduas schlatteinas, num ch'ei seresulti enzatgei auter ord il senn dils singuls artechels.

I. Disposiziuns generalas

Art. 1

Num, sedia

¹ Sut il num «Consorzi da scoletta e scola primara *scolaviva* dallas vischnauncas da Laax e Falera» (numnaus cheusut «consorzi da scola») exista ina corporaziun da vischnauncas da dretg public el senn dils artechels 50 ss. dalla Lescha da vischnauncas dil cantun Grischun.

² La sedia dil consorzi da scola ei a Laax.

Art. 2

Intent,
liug da scola

¹ Il consorzi da scola ha gl' intent da menar comunablamein la scoletta e la scola primara (numnadas cheusut «scalem primar») dallas duas vischnauncas.

² Las vischnauncas dil consorzi s'obligheschan da schar instruir tut lur scolarets e scolars primars el scalem primar da quei consorzi. Excepi ein scolars che frequentan ina scola privata ni ina scola speciala. Per frequentar autras scolas buca menziunadas drova ei la lubientscha dil cussegl da scola.

³ Ils loghens da scola ein a Laax e Falera.

Art. 3

Fundaziun

Il consorzi da scola vegn fundaus entras ils conclus dallas radunonzas communalas dallas vischnauncas dil consorzi (numnadas cheusut «radunonzas communalas»).

II. Organisaziun

Art. 4

Organs

Ils organs ordinaris dil consorzi da scola ein:

- a) las radunonzas communalas;
- b) il cussegl da scola;
- c) la direcziun dalla scola;
- d) la cumissiun da gestiun.

Art. 5

Incumpatibladad ¹ Parents e quina in lingua directa, fargliuns, consorts, persunas che vivan ensemen en in partenadi registrau ni facticamein en ina cuminonza da veta, astgan buca appartener a medem temp al cussegl da scola ed alla cumissiun da gestiun.

² Emploiai dil consorzi da scola astgan buca esser commembers dil cussegl da scola ni dalla cumissiun da gestiun.

a) Radunonzas communalas

Art. 6

Incumbensas e cumpetenzas Las radunonzas communalas han las suandontas incumbensas e cumpetenzas:

1. decretar ils statuts e concluder midadas dils statuts;
2. decretar igl uorden da scola e concluder midadas digl uorden da scola;
3. prender decisziuns en caussas dil consorzi da scola sin proposta dil cussegl da scola
4. retscheiver ed approbar il quen annual, il preventiv ed il rapport dils revisurs;
5. reglar l'indemnisaziun dil cussegl da scola;
6. decider davart la participaziun d'ulteriuras vischnauncas;
7. sligiar il consorzi da scola.

Ils conclus tenor las cefras 1–7 valan sco approvai, sch'els vegnan acceptai da tut las radunonzas communalas.

Art. 7

Dretg d'iniziativa ¹ Entras ina iniziativa sa ina proposta vegnir inoltrada al cussegl da scola:

- a) dalla suprastanza d'ina vischnaunca dil consorzi; ni
- b) da silmeins 50 votants dallas vischnauncas dil consorzi.

² L'iniziativa sa vegnir inoltrada en fuorma d'ina proposta generala ni d'in sboz elaborau. Damondas d'iniziativa nunvaleivlas ni illegalas ha il cussegl da scola da refusar cun ina motivaziun.

³ Iniziativas reussidas valeivlamein ein da suttametter enteifer 9 meins dapi l'inoltraziun alla votaziun dallas radunonzas communalas, eventualmein ensemen cun ina cunterproposta.

⁴ Tochen alla fixaziun dalla votaziun dil pievel san ils tschun emprems sutsignaders retrer l'iniziativa, num che quella cuntegni in'otra clausula da retratga.

Art. 8

Procedura da votaziun ¹ Davart las fatschentas vegn ei votau en mintga vischnaunca a norma dil dretg communal respectiv. La Lescha davart ils dretgs politics el cantun Grischun vala en moda subsidiara.

² Las tractandas dil consorzi da scola ein da suttametter alla votaziun dallas radunonzas communalas enteifer 6 meins sunter ch'il cussegl da scola ha consignau quellas.

³ Las vischnauncas dil consorzi prendan las mesiras necessarias e communiceschon ils resultats enteifer 10 dis al cussegl da scola a maun d'in extract dil protocol.

⁴ Las propostas dil cussegl da scola valan sco approbadas, sch'ellas vegnan acceptadas da tut las vischnauncas dil consorzi.

b) Cussegl da scola

Art. 9

Cumposiziun

¹ Mintga vischnaunca dil consorzi nominescha dus commembers dil cussegl da scola.

² Per regla ein ils parsuras dils departaments d'educaziun dallas vischnauncas dil consorzi commembers dil cussegl da scola.

³ Il cussegl da scola vegn presidiaus dil president dil cussegl da scola. Il cussegl da scola seconstituescha sez.

⁴ Con ditg ch'igl uffeci cuoza, ei prescret dil dretg communal respectiv.

Art. 10

Incumbensas
e cumpetenzas

Il cussegl da scola meina il consorzi da scola. El ei cunzun responsabels per la gestiun strategica dil consorzi da scola. El procura per la realisaziun dalla legislaziun da scola dalla Confederaziun, dil cantun e dil consorzi da scola. El ademplescha tut las incumbensas dils fatgs da scola, num che quellas seigien delegadas ad in'otra autoritad ni instanza entras leschas cantunalas, entras quels statuts ni entras igl uorden da scola dil consorzi da scola. El ha cunzun las suandontas incumbensas:

1. menar, engaschar e relaschar la direcziun dalla scola;
2. eleger e relaschar las personas d'instrucziun ed igl ulteriur personal dil consorzi da scola;
3. fixar las cundiziuns d'engaschament per las personas d'instrucziun, inclusiv ils scalems da paga el rom dalla legislaziun cantunala;
4. decider davart la midada e l'adattaziun dil model da scola;
5. elaborar in uorden da scola per mauns dallas radunonzas communalas;
6. decretar in uorden disciplinar sco era autras prescripcziuns ed auters reglaments che surveschan al menaschi da scola;
7. decretar in carnet d'obligaziuns per la direcziun dalla scola;
8. elaborar ed adattar ils contracts da locaziun;
9. eleger l'administraziun da scola dil consorzi da scola ord la retscha dallas vischnauncas dil consorzi ni dils agens collaboraturs;

10. scriver il rapport annual sco era far il preventiv ed il quen annual per mauns dallas radunonzas communalas.

Art. 11

Sesidas
e habilitad
da decider

¹ Il cussegl da scola vegn convocaus dil president dil cussegl da scola, e quei aschi savens sco necessari tut tenor las fatschentas ni sin giavisch d'in commember dil cussegl da scola. L'invitaziun e las tractandas vegnan per regla tarmessas 5 dis ordavon.

² Per regla separticipescha la direcziun dalla scola cun vusch consultativa allas sesidas dil cussegl da scola.

³ Las sesidas vegnan protocolladas.

⁴ Il cussegl da scola ei habels da decider, sche silmeins treis commembers ein presents.

⁵ Mintga commember dil cussegl da scola ei obligaus da votar. Per tut las votaziuns ed elecziuns vala la maioritad absoluta dils presents. Resalvadas restan las disposiziuns davart il prender stgisa tenor igl artechel 23 dalla Lescha da vischnauncas dil cantun Grischun.

⁶ En cass da paritad dallas vuschs en damondas specificas decida il president, tier elecziuns vegn tratg la sort.

Art. 12

President

¹ Il president prepara las sesidas, envida a talas e meina ellas. El procura ch'ils conclus preni vegnien exequi. El ei responsabels per la corrispondenza e scriva il rapport annual per mauns dallas radunonzas communalas.

² En cass urgents pren el las mesiras necessarias ensemen cun in ulteriur commember dil cussegl da scola. Suenten sto el suttametter quellas mesiras al cussegl da scola.

Art. 13

Representanza
anoraviars

¹ Il cussegl da scola representa il consorzi da scola enviars tiazas persunas, enviars autoritads e davon dertgira. Il cussegl da scola vegn representaus da siu president.

² La suttascripziun giuridicamein ligionta per il consorzi da scola vegn menada dil president ensemen cun in ulteriur commember dil cussegl da scola en moda collectiva en dus ni – sch'il president ei absents – dil vicepresident ensemen cun in ulteriur commember dil cussegl da scola en moda collectiva en dus.

c) Direcziun dalla scola

Art. 14

Engaschament
dalla direcziun
dalla scola

¹ Il consorzi da scola nominescha ina direcziun dalla scola.

² Il menader da scola ei in emploiau dil consorzi da scola. La relaziun d'engaschament dalla direcziun dalla scola vegn constituida entras in contract da dretg public, risguardond il dretg cantunal.

Art. 15
Incumbensas e cumpetenzas La direcziun dalla scola ei responsabla per la gestiun operativa dalla scola. Las incumbensas e cumpetenzas vegnan regladas el carnet d'obligaziuns dil menader da scola.

d) Cumissiun da gestiun

Art. 16
Cumposiziun ¹ La cumissiun da gestiun dil consorzi da scola secumpona da mintgamai in representant da mintga vischnaunca dil consorzi.
² Ils commembers dalla cumissiun da gestiun vegnan eligi entras la cumissiun da gestiun respectiva dallas vischnauncas dil consorzi ord las atgnas retschas.

Art. 17
Incumbensas e cumpetenzas ¹ La cumissiun da gestiun controllescha annualmein la contabilitad e la gestiun dil consorzi da scola sco era l'activitad dil cussegi da scola. Ella sa engaschar il post da controlla extern dalla vischnaunca dil consorzi che meina la contabilitad. Ella sutta metta in rapport en scret e fa ina proposta allas radunonzas communalas.
² La cumissiun da gestiun astga exequir siu dretg da controlla da tut temps e senza annunzia. Ella ha envesta dallas actas.

III. Stabiliments da scola

Art. 18
Infrastructura ¹ La vischnauncas da Laax e Falera mettan a disposiziun al consorzi da scola las localitads necessarias e l'infrastructura da basa per il scalem primar.
² Enviers las vischnauncas da Laax e Falera ei il consorzi da scola locatari.
³ Ils detagls vegnan reglai el contract da locaziun.

IV. Finanzas

Art. 19
Onn da gestiun Igl onn da gestiun dil consorzi da scola cuoza mintgamai digl 1. d'uost tochen ils 31 da fenadur.

Art. 20
Cuosts Sco cuosts da gestiun e d'administraziun dil consorzi da scola valan:
1. las pagas dallas personas d'instrucziun e dalla direcziun dalla scola, inclusiv eventuels supplements socials e las contribuiziuns all'assicuranza sociala;

2. las expensas per il perfecziunament dallas persunas d'instrucziun;
3. ils cuosts per prender a tscheins las localitads da scola e las parts dils edifecis e stabiliments che vegnan duvradas era dil consorzi da scola;
4. l'acquisiziun da niev mobiliar ed il manteniment dil mobiliar;
5. las expensas per material da diever e d'instrucziun;
6. las expensas per ils mieds electronics;
7. las expensas per excursiuns ed occurrenzas da scola;
8. las indemnisaziuns als commembers dil cussegl da scola ed als commembers dallas cumissiuns dil consorzi da scola;
9. l'indemnisaziun per la contabilitad ed il secretariat da scola;
10. las premias dallas assicuranzas prescrettas tenor igl artechel 52 dalla Lescha da scola dil cantun Grischun;
11. autras expensas per incumbensas che stattan en connex cun il menaschi da scola.

Art. 21

Repartiziun
dils cuosts

¹ Ils cuosts vegnan reparti sin las vischnauncas dil consorzi en proporziun cun il diember da scolars che derivan da mintga vischnaunca.

² Las contribuziuns ch'il cantun paga alla scola vegnan bunificadas allas vischnauncas dil consorzi tenor lur classa da finanzas.

³ Per scolars ch'entran ni sortan dalla scola durant in onn da scola vegnan ils cuosts da scola mess a quen per meins (parts da meins vegnan quintadas sco meins entirs).

Art. 22

Cumpetenzza
finanziala dil
cussegl da scola

La cumpetenzza finanziaria annuala dil cussegl da scola munta a 10'000.– CHF per expensas buca budgetadas.

V. Giurisdicziun

Art. 23

Dretg da recuors

Encunter decisiuns e disposiziuns dil cussegl da scola en caussas da scola sa la persuna directamein pertuccada far recuors enteifer 10 dis dapi la communicaziun tier il Departament cantunal d'educaziun, cultura e protecziun digl ambient, num che la lescha prescrive enzatgei auter.

Art. 24

Dretg da plogn

Per dispetas denter il consorzi da scola e las vischnauncas dil consorzi ni per dispetas dallas vischnauncas dil consorzi denter ellas vegn applicada la Lescha davart la giurisdicziun administrativa dil cantun Grischun.

VI. Disposiziuns transitorias e finalas

Art. 25

Entrada en vigur

¹ Suenter che las radunonzas communalas han acceptau quels statuts, survegnan els vigur legala entras l'approbaziun dalla Regenza.

² La realisaziun dall'instrucziun dil consorzi da scola entscheiva cun igl onn da scola 2014/15.

Art. 26

Participaziun,
extrada

¹ Las vischnauncas dil consorzi decidan davart la participaziun d'ulteriuras vischnauncas.

² Il pli baul suenter in commembradi da 5 onns sa ina vischnaunca extrar dil consorzi da scola sin la fin d'in onn da scola, observond in termin da visada da 2 onns. La visada sto denton vegnir inoltrada al consorzi da scola tochen ils 31 da december digl onn precedent.

³ En cass d'ina fusiun da vischnauncas sa ina vischnaunca extrar dil consorzi da scola sin il termin da fusiun, observond in termin da visada extraordinari da silmeins 3 meins.

⁴ Scolars che appartegnan quei mument al consorzi da scola fineschan lur entir temps da scola obligatori restont tier il consorzi da scola.

⁵ La vischnaunca ch'extrescha dil consorzi ha negin dretg sin la facultad dil consorzi e negin dretg sin restituziun da sias prestaziuns.

⁶ Ina vischnaunca ch'extrescha dil consorzi resta vinavon responsabla per las obligaziuns ch'ella ha surpriu enviers il consorzi da scola sco era per las obligaziuns dil consorzi da scola ch'eiin seresultadas avon sia extrada.

Art. 27

Sligiazium

¹ Sch'ina vischnaunca extrescha dil consorzi da scola, vegn quel sligiaus.

² En gliez cass ston tut las vischnauncas dil consorzi ir d'accord cun la regulaziun che las vischnauncas dil consorzi seigien responsablas per las obligaziuns ch'il consorzi da scola ha surpriu, sco era cun la liquidaziun d'ina eventuala facultad e cun la repartiziun da quella sin las vischnauncas dil consorzi.

Approbau dallas radunonzas communalas

da Laax dils 4 da zercladur 2014

Il president communal

Toni Camathias

Il canzlist

Rest Giacun Coray

da Falera dils 18 da zercladur 2014

Il president communal

Wendelin Casutt

Il canzlist

Adrian Vincenz

Approbau dalla regenza tenor il conclus dils 26-8-2014 nr. 802.

En num dalla regenza

Il president:

Dr. M. Cavigelli

Il cancelier

Dr. C. Riesen